



DEO OPTIMO MAX.
UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS,
*manè discutienda, in Scholis Medicorum, die Martis vigesima-quintâ
mensis Februarii, anno Domini M. DCC. LXVI.*

M. NICOLAO LE ROY DE S. AIGNAN,
Equite, Doctore Medico, Præsîde.

*An Vulneribus ex Catapultis globulos plumbeos relinquere
aliquandò præstat?*

I.



D vitam unus tantum patet ingressus, ad mortem innu-
meri; ut illam doloribus auspicamur, sic ab eâ ejicimur
laborum vi: undiquè mala circumstrepunt; ubiquè bel-
lum & insidia. Mundus in solius hominis utilitatem fac-
tus, videtur odio in ipsum plenus. Hiems scelerato frigore necat.

Ver infinito morborum numero de medio tollit: Æstas immodicâ siccitate, vitæ principia depopulatur. Autumnus cum fructibus, ut p^{ro} sit mensura malorum, morbos creat atrocissimos, qui mortales plerumque ex viventium numero expungunt: Ast non satis est ut Natura per se sit adeò malorum ferax, acuitur ferrum, temperantur venena, accenditur flamma, ut corporis & animæ dirimatur societas. Hinc innumeræ armorum species, si ex ligno tantum, ut fustes & clavæ Herculeæ, contundentes; si ex ferro simul & ligno, enses scilicet, gladii, sagittæ, tela, lanceolæ, non solum carnes, sed & venas, arterias, tendines, membranasque secant, læduntque; si ex ære, ferro & igne, ut sclopeti, catapultæ, tormenta bellica, non solum contundunt ac dividunt, sed partes dilacerantur, earum substantia consumitur, gangrænâ & sphacelo pereunt, undè vulnera & plagæ omnis generis sobolescent, quibus solidorum ordo fluidorumque mixtio penitus turbatur.

II.

CORPUS humanum nihil aliud est quàm congeries indefinitorum canaliculorum, tubulorum, vasculorum, fluida varii generis corpuscula transmittentium; si aliquid grave suprà incidat ac idipsum collidat, continuitatem solvat citrà deperditionem manifestam substantiæ aut externam rupturam, in parte carneâ cruor colligatur sub cute, venæ exiguæ rumpantur, est tantum contusio; si in eadem parte fiat solutio continui ab instrumento secante aut pungente cum violentiâ, vulnus simplex audit; si à violentiâ quâdam extrinsecus in os adveniat, fractura; si plaga sit cutis, carnis, venarum, articularum, nervorum, vi ignis impressâ, humidum radicale illicò exsiccatur, caro, venæ, arteriæ, nervi, contrahuntur, in escharram siccantur: tunc corpus Fit impurum, pravis humoribus refertum, iis ad partem affectam confluentibus vulnus sordescit, caro confusa putrescit, natus calor destruitur & gliscente serpenteque contagio partes vicinæ infestantur, nec-non facilè in gangrænâ degenerant, nisi citò adhibeantur remedia,

III.

MAGNO vibratur impetu globulus plumbens cutemque attingit: statim partes iectæ, nervi, tendines, fibræ atque varii tubuli variè disrumpuntur; tùm contusione & attritu maximam con-

cipiunt inflammationem & putredinem, undè vulnus complicatum, quod fit ex ictûs vehementiâ multarumque partium, præsertim nervorum divortio; hinc statim fiunt stagnationes, coagulationes, fiunt nova concreta, variaz oriuntur exerescentiæ, quibus accedunt interdum aëris ambientis intemperies, aut cælum aultrinum, corporis cacochymia, fragmenta ferrea, flocci, tomenta, vestimentorum frustula, pulveris pyrii portio quædam ignescens, & similia, quæ rapidè in corpus trusa dolores excitant, fluxiones movent, erethismum partibus solidis creant, undè impeditur earum coalitus.

I V.

PLUMBUM metallum est constans ex sulphure indigesto, sale aluminoso, ac mercurio naturam antimoniam æmulante; refrigerat, astringit, incrassat, vulnera carnibus implet, cicatricem obducit; vulneribus canerosi & putredinosi convenit virtute suâ exsiccante, demulcet & discutit humores, dulcedine nativâ mitigat; globuli plumbei nec partibus solidis erethismum creant, nec fluidis acorem inducunt, partium divisarum unionem non impediunt, nec putredinem pariunt: imò sunt veluti sapo ad abstergendas sordes. Si globuli plumbei tutè eximi non possint, neque pressio nervo dolorem moveant, nec in venam vel arteriam impingant, nec in sinum aliquem devolvi suo pondere sint parati, intùs latere sinas. Nùm vi naturæ eorum ejectionem relinquere nefas? si ad cutem regeruntur, si in vacuo ventris delitescunt, si inter mûsculos in membranâ adiposâ interdum nidulantur, nonnè fovere impunè globulum in sinu præstat quàm pericolosè eximere.

V.

GLOBULI plumbei parti cuidam pericolosè hærescunt, omni ratione dimoveantur è loco, pulsu, pressu, frictu, concussionè, extractione facili; si horum nullâ ope ejici possint, nec impunè servari, extrahantur, quâ viâ? eâ quam contra aperturam vocant. Ego, inquires, non servandi globuli. Imò servandus æger. Melius est cum periculo dubium tentare, quàm inconsultò expectare ineluctabile fatum. Vulnus angustum dilatetur, si non longè distent globuli à cute, parte oppositâ extrahe specillo, si ossibus hæreant, terebello, si in carne consistant, ad eos eximendos conveniunt forcipes cannulatæ, quæ formam exhibent rostri anserini, simulque

corvini, si longius distent, tenues oblongæ in modum rostri gruini effictæ, quæ sint rectæ vel incurvæ; si sint depressi, denticulatæ seu colubrinæ. At hæc fiant quomodo? Consilioque manuque. Intelligentiam quaris? Medici vexilla subsequere. Manum? actibus repetitis & exercitio acquiratur dexteritas. Objicient iterum adagium commune, extranea eximenda ne noceant: at plumbum innocuum mille exemplis testatur experientia.

Ergò Vulneribus ex Catapultis globulos plumbeos relinquere aliquando præstat.

DOMINI DOCTORES DISPUTATURI.

M. Petrus - Abrahamus
PAJON DE MONCETS,
Eques, Societatis Litterarum a Catalaunensis Socius.

M. Claudius-Thomas-Guil-
lelmus GUILBERT DE
PRÉVAL.

M. Jacobus GOURLEZ DE
LA MOTTE.

M. Joannes - Baptista
BASSEVILLE.

M. Simon - Antonius
BRINGAUD.

M. Claudius - Josephus
GENIL, *Militarium*
Nosocomiorum ad Regis
exercituum Medicus &
rei Herbaria Professor.

M. Benjamin - Ludovicus
LUCAS DE LAUREM-
BERT.

M. Leander PRAGET
Antiquus Consiliarius
Medicus Regis ordinarius
in ejus Castellato.

M. Ludovicus-Guillelmus
LE MONNIER, *Con-*
siliarius Medicus Regis or-
dinarius Primarius, Re-
giarum Parisiensis, Lon-
dinensis ac Berolinensis
Academiarum Socius, &
in Horto regio Botanices
Professor ac Demonstrator.

Proponebat Parisiis CAROLUS-NICOLAUS D'ESLON, Tullensis, Doctor Pontimuffanus, Serenissimi Principis Comitum regnantis Limburgii Consiliarius Medicus, necnon Saluberrimæ Facultatis Medicinæ Parisiensis Baccalaureus, A. R. S. H. 1766. A SEXTA AD MERIDIEM.